

1. Աչքերս հաճախ արցունքով են լցվում,
 Տխրությունն է պատում ինձ հանկարծ,
 Եվ կարծես թե արդեն այդ վիճակում
 Կորցրել եմ ուրախությունս անդարձ:

Ուզում եմ բերել իմ սիրտն Յիսուսին
 Եվ աղերսել Նրան՝ Տէր, ինձ օգնիր,
 Կորսվում եմ այս կյանքի ճանապարհին,
 Տէր Յիսուս, խնդրում եմ, ազատիր:

2. Հարազատներս հաճախ չեն հասկանում
 իմ հոգու ցավալի վիճակը,
 Ոչ մեկն ինձ օգնել չի կարողանում,
 Շատ դժվար է այսպես ապրելը:

3. Օ, իմ Աստված, ես Քեզ եմ աղերսում,
 Գթա իմ հոգուն խեղճ ու տանջված,
 Ես կբժշկվեմ միայն այն դեպքում,
 Երբ դեպ ինձ մեկնես ձեռքդ խոցված:

4. Ազատիր ինձ բոլոր տանջանքներից
 Եվ մաքրիր մեղքերից իմ հոգին,
 Եվ մեծ գոհությամբ ես սրտիս խորքից
 Կփառաբանեմ Յիսուս Փրկչիս: